

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴԻ
ՈՐՈՇՈՒՄ 6/6.4

2014թ. ապրիլի 3-ի թիվ 6 նիստի

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ՀԵՌԱԿԱ ՈՒՍՈՒՑՄԱՍԲ
ՄԱԳԻՍՏՐԱՏՈՒՐԱՅԻ 2014/2015 ՈՒՍՏԱՐՎԱ ԸՆԴՈՒՆԵԼՈՒԹՅԱՆ ԿԱՆՈՆԱԿԱՐԳԸ
ՀԱՍՏԱՏԵԼՈՒ ՄԱՍԻՆ

Ղեկավարվելով Երևանի պետական համալսարանի կանոնադրության 30-րդ կետի 3-րդ ենթակետով և ԵՊՀ գիտական խորհրդի կանոնակարգի 4-րդ կետի 3-րդ ենթակետով՝ Երևանի պետական համալսարանի գիտական խորհուրդը որոշում է.

1. Հաստատել Երևանի պետական համալսարանի հեռակա ուսուցմամբ մագիստրատուրայի 2014/2015 ուստարվա ընդունելության կանոնակարգը:
2. Սույն որոշումն ուժի մեջ է մտնում ընդունման պահից:

ԵՊՀ ԳԻՏԱԿԱՆ ԽՈՐՀՐԴԻ ՆԱԽԱԳԱՀ

Ա. Հ. ՍԻՄՈՆՅԱՆ

Հաստատված է ԵՊՀ գիտական խորհրդի

2014թ. ապրիլի 3-ի նիստի

№ 6/6.4 որոշմամբ

ԵՊՀ գիտական խորհրդի նախագահ՝

Ա. Հ. Սիմոնյան

ԿԱՆՈՆԱԿԱՐԳ

Երևանի պետական համալսարանի հեռակա ուսուցմամբ մագիստրատուրայի 2014/2015 ուստարվա ընդունելության

1. Սույն կանոնակարգի իրավական հիմքերն են՝ «Կրթության մասին», «Բարձրագույն և հետբուհական մասնագիտական կրթության մասին» ՀՀ օրենքները, ՀՀ Կրթության և Գիտության նախարարի կողմից հաստատված «ՀՀ բարձրագույն ուսումնական հաստատություններում մագիստրատուրայի ընդունելության և ուսուցման կարգ»-ը, ԵՊՀ կանոնադրությունը և այլ իրավական ակտեր:

2. ԵՊՀ հեռակա ուսուցմամբ մագիստրատուրա մրցութային կարգով կարող են ընդունվել ՀՀ պետական և ըստ մասնագիտությունների հավատարմագրված ոչ պետական բարձրագույն ուսումնական հաստատությունների բակալավրի կամ դիպլոմավորված մասնագետի որակավորում ունեցող անձինք: Օտարերկրյա բուհերի շրջանավարտների ընդունելությունը մագիստրատուրա կատարվում է հարցազրույցի և համապատասխան ֆակուլտետի գիտական խորհրդի կարծիքի հիման վրա:

3. Մագիստրատուրայի ընդունելությունը կազմակերպելու նպատակով կազմվում է ընդունող հանձնաժողով՝ ռեկտորի նախագահությամբ, ուսումնական աշխատանքների գծով պրոռեկտորի, ուսումնամեթոդական վարչության պետի, ուսումնամեթոդական վարչության մագիստրատուրայի բաժնի վարիչի անդամակցությամբ: Ռեկտորի հրամանով ձևավորվում է մանդատային հանձնաժողով՝ ուսումնական աշխատանքների գծով պրոռեկտորի նախագահությամբ, ուսումնամեթոդական վարչության պետի, համապատասխան ֆակուլտետների ղեկանների և ուսումնամեթոդական վարչության մագիստրատուրայի բաժնի աշխատակիցների անդամակցությամբ: Քննությունների անցկացման համար ուսումնական աշխատանքների գծով պրոռեկտորի հրամանով ձևավորվում են առարկայական քննական հանձնաժողովներ, որոնց կազմում ներգրավվում են տվյալ ֆակուլտետի ղեկանը և համապատասխան մագիստրոսական ծրագրերի ղեկավարները:

4. Մագիստրատուրայի ընդունելության մրցութային կարգը.

ԵՊՀ 2011/2012 - 2013/2014 ուստարվա տվյալ մասնագիտության առկա և հեռակա ուսուցման շրջանավարտները, որոնք ավարտական աշխատանքի պաշտպանությունից և ամփոփիչ ատեստավորման քննությունից ստացել են 13 կամ ավելի բարձր միավորներ, իսկ դիպլոմի հավելվածում գրանցված առարկաների միջին որակական գնահատականը (ՄՈԳ) կազմում է առնվազն 13 և ԵՊՀ նախորդ տարիների տվյալ մասնագիտությամբ բակալավրի աստիճան կամ դիպլոմավորված մասնագետի որակավորում ստացած մագիստրատուրայի դիմորդները, որոնք ավարտական աշխատանքից և ամփոփիչ ատեստավորման

քննություններից ստացել են «լավ» կամ «գերազանց» գնահատականներ, որոնց դիպլոմի հավելվածում գրանցված բոլոր գնահատականների միջինը «4» և ավելի միավոր է, ինչպես նաև ԵՊՀ տվյալ մասնագիտությամբ բակալավրի աստիճան կամ դիպլոմավորված մասնագետի որակավորում ստացած Ազգային բանակում ծառայած դիմորդները կարող են ընդունվել առանց ընդունելության քննության՝ մանդատային հանձնաժողովի երաշխավորմամբ և ընդունող հանձնաժողովի կայացրած որոշմամբ:

5. 4-րդ կետի պահանջները չբավարարելու դեպքում, ինչպես նաև մասնագիտության փոփոխման կամ այլ ԲՈՒՀ-երի շրջանավարտների դեպքում հեռակա ուսուցմամբ մագիստրատուրա ընդունվելու համար դիմորդները պետք է հանձնեն ընդունելության քննություն՝ տվյալ մասնագիտությամբ բակալավրի ամփոփիչ ատեստավորման քննական ծրագրով: Ընդունելությունը կատարվում է մրցութային կարգով:

030500 - «Իրավագիտություն» մասնագիտությամբ մագիստրատուրա կարող են դիմել միայն 030500 - **«Իրավագիտություն» մասնագիտության իրավագիտության բակալավրի որակավորում ունեցող շրջանավարտները:**

6. Դիմորդները ներկայացնում են հետևյալ փաստաթղթերը.

1/ մագիստրատուրայի ընդունելության դիմում- հայտ: Դիմում-հայտում դիմորդը կարող է նշել առավելագույնը 3 մագիստրոսական ծրագիր՝ ըստ նախապատվության: Հայտում նշված առաջին ծրագրի չբացվելու դեպքում դիմորդը մասնակցում է երկրորդ ծրագրի մրցութին, այն չբացվելու դեպքում՝ երրորդ ծրագրի մրցութին: Ծրագիրը չի բացվում, եթե ուսանողների թիվը չի համապատասխանում <<Ուսումնական աշխատանքների հաշվարկի նորմերի>> (հաստատված ԵՊՀ գիտական խորհրդի 2012թ. ապրիլի 20-ի նիստի թիվ 3/3 որոշմամբ) 5-րդ կետի պահանջին:

2/ բարձրագույն կրթության դիպլոմի և նրա հավելվածի բնագրեր ու պատճեններ,

3/ 4 լուսանկար (3x4 չափսի),

4/ զինվորական գրքույկի բնագիր ու պատճեն (առկայության դեպքում)

5/ ընդունելության ծառայությունների համար սահմանված 1000 դրամի վճարի անդորրագիր:

7. Հեռակա ուսուցմամբ ընդունելության փաստաթղթերի ընդունումը կատարվում է հունիսի 10-ից մինչև հոկտեմբերի 10-ը: Ընդունելությունը կատարվում է հոկտեմբերի 15-ից մինչև հոկտեմբերի 20-ը:

8. Հեռակա ուսուցմամբ մագիստրատուրա ընդունված դիմորդների հրամանագրումը կատարվում է ուսման վարձը վճարելուց հետո՝ ըստ մասնագիտությունների և մագիստրոսական ծրագրերի: